

**Volgen die Scharmisl**

so auff dem Obern Werdt gehalten  
worden zu Suesz vnd zu Kosz.

**A**uff Pfingstag den zwainzigisten Junij, ungeuer umb zwölff  
vhr nach Mittag, hat man ein Scharmisl gehalten auff freyem  
Feld, nit weit von der Statt Wienn vor dem Schotten Thor,  
genandt in dem Obern Werdt auff der Scheiben/oberhalb der  
Kosaw, vnnnd ist derselbe Platz ober Hundert vnnnd Sibenzig  
Rhlaffter lang/auch hundert vnd fünfzig braidt/auff der seitten  
außerhalb des Platz ist auffgericht gewesen ein hohe Pyne oder  
Theatrum, von welcher man den obbemelten Platz nach allem  
lust oversehen hat mügen/darauff die obgedacht K.ö. Kay: Mt: 2c.  
die Rhünigin zu Behaim 2c. sambt iren geliebsten Rhindern/auch  
Kay: May: 2c. geliebsten Töchtern, der Herzog von Bayrn 2c.  
Frawenzimer, vnd aller andern vorgenandten Botschafften vnd  
Herrn gesessen/die Pyne oder Theatrum war also gemacht, am  
Ersten auffgang drey Stäffl hoch/vnd ob desselben dritten Staff  
war zu ruckh ein Platz sibenz Schuech braidt/darauff vil Personen  
haben steen vnd sitzen mügen/ober den Platz waren andere drey  
Staffl einer höher dan der ander/vnd aber halb derselben dritten  
Staffl war die rechte Pyne, das die Frawenzimer so darauff ge-  
wesen wol haben zusehen khünen/vngeirt vnd war fein mit pret-  
tern verdeckht von wegen der Sunen oder Regen/die went oder  
Täfflwerch auff diser Pyne waren all mit schönen vnnnd khöst-  
lichen Tebichen geziert vnd oberlegt vnd mergemelter Scharmisl  
Platz ombvndomb gerings ombfangen mit Thanbäumlein, sibenz  
Schritt voneinander, in mitte disz Platz etwas hindan von dem  
Theatro war ein gewachsner haag oder gestreis gewesen, zu beden  
seitten gegeneinander sein etlich Stuckh oder Feldgeschütz auff  
Kedern gestanden. Nemlichen oben auff, Fürst: Durch: Erzher-  
zog Ferdinandenc. seittē vier Salekhenlein/samtb iren Büchsen  
maistern vñ aller notturfft, auf Fürst: Durch: Erzherzog Carlen  
D seitten/

# Vom Scharmitzl.

seitten/stuenden acht grosse Falcon vnd zehen Falconett grösser vnd  
kheiner auch sambt iren Buchsenmaistern vnd aller notturfft/  
Welches geschitz Zeugmaister gewesen / der Edl vnd Vest  
Herz Michael Rindsmaul zu Frawhaim ic. in Erzherzogt Car-  
len Leger sein vill khostliche schöne Zelt auffgeschlagen worden wie  
dann ein Leger sein sol fur die Ritter vnd Herrn vnd daselbs bis  
der Scharmitzl angefangen verharret. diser Platz war bewardt  
mit sibem Fendlein Rhnechten von der Burger schafft zu Suesz  
gang wol gerust in irer ordnung / vnd daselbs in einer Schlacht  
ordnung verharret das Alles vast lustig zusehen / deren Haupt-  
leüt Namen Hernach volgen.

Niclas Chrysofomus Spiesshamer.

Reinmundus Straub.

Hans von Thaw.

Bernhardt Hallingrer.

Colman Egger.

Hans Schelhardt.

Hanns Rhratwol.

Welche sibem Fendlein vornen auff den Plazen in gueter  
Ordnung heraus von der Statt getragen durch Sibem Burger/  
Nemlich in dem vorzug waren zway Fendlein die getragen ha-  
ben/das Erst Leopold Hüttendoffer / der tregt die Bayrisch  
Farbe/das ist Weiss vnd Blaw/das ander der Ludwig Weiss/  
tregt der Rhü: W: Farb/das ist Gelb / Schwarz vnd weiss/in  
der Mitte waren noch drey Fändlein/tregt das Erst der Stangl  
Blab/den Vngerischen Fannen das ist vier weiss vnd vier Rodt  
Strich/das ander Hanns Maystetter den Reichs Fannen/das  
ist ein Schwarzer Adler mit zwayen Rhöpffen in Gelben Feld/  
das drit tregt der Davidt Lang den Behaimischen Fannen/das  
ist ein weisser Löw in einem Rodten Feld/im Nachzug sein noch  
ander zwen Fannen gewesen/ den ainen hat getragen der Tho-  
man Baupt Rü: W: zu Behaim ic. Siwere oder Farben/wie oben  
von den drey Farben/vnd den andern auff disen nachzug trueg  
Frang Wiltbredt den Alten Osterreichischen Fannen/das ist  
Sünff

## Vom Scharmizl XLIX

Fünff gülden Lerchen in einem Blawen Feld, Welche Fendrich vberaus wol mit Kleidung gebüzt vnnnd in gleicher Farb / lauter Samatne Hosn / Atlassne Wammas wie ire Fendlein gefärbt waren / auch degen vnd dollich mit silber beschlagen / diser Fendrichen Leutenamdt waren.

Georg Aigner.

Jacob Seyerl.

Sebastian Wulffing.

Georg Enghardt.

Michael Rhamiel.

Christoff Pflieger.

Laurens Hüettendorffer der Jung, in gleicher Kleidung wie die Fendrich, dise Kriegsleut so vnder den Fendlein gelegen waren bey drey Tausent, vast alle versuchte Kriegsleut, welche in aller früe dieses tags von der stat in gutter ordnung hinaus gangen vnd vorgemeltes geschüs mit inen geführt, bald darnach ist die Hochgeborn Fürst: Durch: Erzherzog Ferdinand zu Osterreich zc. sambt irer Fürst: Durch: Edlleuten vnnnd Hofgesinde von der Stat hinaus geritten bis in die Insl, daraber ein Schiffpruckhen geschlagen vnd mit geschüs vnd Fueszknecchten verwart war / alda jr Fürst: Durch: jr Leger geschlagen, vnd daselbs das Früemal eingenomen, auch alda gewart bis die hundert Bherdt vnd hundert Hackenschützen so vnder derselben gelegen sich versamlet, auch da in der aw verborgen gelegen bis zum angriff des Scharmizls. Desgleichen ist auch die Fürst: Durch: Erzherzog Carl zu Osterreich zc. sambt derselben Edlleuten vñ Hofgesind in jr Leger von der Stat hinaus geritten das Früemal daselbs eingenomen vnnnd auch gewart bis ire hundert Bherdt vnd hundert Hackenschützen sich versamlet haben, In dē aber dasz sie das Früemal eingenomen, vnangesehen das die Gegenparthey verborgen in der Insl gewesen, Ist der Wolgeborn Herr Marco Antonio Spinola Graff zu Tarzerolla zc. Rū: W: zu Behaim zc. Hauptman vber die Trabanten, vnnnd damaln Hauptman vber den Fürst: Durch: Erzherzog Ferdinanden zc. Hackenschützen,

## Vom Scharmisl.

mit zweinsig der selben Schützen in der Fürst: Durch: Erzhertzog Carlen. Leger heimlich kumē vñ als sie daselbst niemands bey der Wacht funden/habē sie ein stückh auff Redern zu jnen genommen vnd dasselb in jr Leger gefüert/das die aus des Erzhertzogē Carls Leger nicht darumb gewist haben.

Bald darnach vngewerlich vmb Ailff vhr vor mittag/ist der Durchleuchtigist Hochgeborn Fürst vnd Herz/Herz Maximilian Rū: W: zu Behaim ꝛ. als Obrister Gubernator vñnd! Feldherz dieses Scharmisls/ hinaus von der Burech sambt derselben Hof gelindt auff ainem Schönem Bhardt auff den Scharmisl Platz geritten/ angethan mit einem Ringkragen vnd armschienen fein geezt vnd vergültd/daruber ein schönen Samatinen Rockh/ auff dem haubt ein Seyden huet/ vñnd ein stab in der handt/ jr Rū: W: ꝛ. rite nach ein Edler Rhnab/ der füert ein klein viereckhet khenn Fendlein/ vnd dienten jr Rū: W: ꝛ. die hernach genenten hoch vnd Wolgeborne Gestreng vnd Edle Herrn.

Herzog Carl von Münsterberg.

Graff Peter von Archo.

Graff Caspar von Lodron/ jrer Rū: W: ꝛ. Obrister Stäblmaister.

Bertholdt zu der Leypt/ Marschalckh aus Behaim.

Ludwig Vngnad Freyherr ꝛ. jrer Rū: W: Camrer.

Peter von Molart Ritter/ jrer Rū: W: ꝛ. Camrer.

Adam von Schmeckhowig jrer Rū: W: ꝛ. Camrer.

Auch giengen jr Rū: W: ꝛ. vor/ an den seitten vnd hinten/ jrre Lackheyen/ Hartschier vnd Trabanten in gueter Ordnung bis auff den Scharmisl Platz vnd ist jr Rū: W: von standan in der Fürst: Durch: Erzhertzog Carlen Leger gezogen/ Ordnung geben wie sich ein jder in dem Scharmisl halten soll vnd seine hundert Pferd in fünff theil oder Schwader getheilt/ Nemlich in ein jedes Schwader zweinsig Personen/ wie sie dann hernach vnterschiedlich beschriben sein/ auch nicht allein mit disen/ sonder mit den Buchsenmaistern/ vnd andern Kriegsleuten die dagewesen/ Desgleichen ist auch jr Rū: W: ꝛ. in des Erzhertzogen Ferdinanden

# Vom Scharmisl. L

nanden Leger so in der Insl war gezogen/ auch allenthalben verordnung than / wie vorgemeldet ist.

Nach diesem allem hat Obgemelte Rū: W: 2c. den gangen Scharmisl Platz sambt der Bin so der Kay: May: 2c. zuegericht war / raumen vnd das volckh hinweg schaffen lassen.

Wie nun diser Platz zu gemeltem Scharmisl allerdings zuegericht vnd beraidt die Reuter auff beiden Partheyen so zwaihundert gewesen in zehē Schwader oder Theil getheilt / je zwainzig in einem Theil wie hernach geschriben / das sich ein jeder Theil in sein Leger enthalten / vnd also durch die Rū: W: 2c. alle ding als obgemeldet angeordnet vnd bestellt gewesen / da ist die Rō: Kay: May: 2c. sambt der Hochgeborenen Fürstin vnd Frawen / Fraw Maria Künigin zu Behaim 2c. dem Hochgeborenen Fürsten vnd Herrn Herzog Albrechten von Bayrn 2c. Kayserlichen Töchtern vnd Enickhlen / auch Botschafften vnd frawenzimer / zu Ross vnd wagen auff den Platz kumen / vnd auff die (wie obē gesagt) Pyne oder Theatrum gangen den Schimpff zusehen.

Als nun ein klaine weil verschinen / da ist bestellt gewesen / das ein Bauer die Strasz hergefarn / belait mit einem Hackhenschüß / vnd fuert Prosiand in der Fürst: Durch: Ershertzog Carlen 2c. Leger eylendt zue / vñ als nun der Gegētheil in der Fürst: Durch: Ershertzog Ferdinanden Leger das ersahen / habē sich geschwindt etliche Hackhenschüßen auffgemacht dem wagen zuegeeilt / im willē den zu peitten / welches der Hackhenschüß beim wagen auch bald ersehen / springt in eill zu den Rossen / erwüsch die bey dem zaum / vnd lendet sy auff den negst dem Hölzl zu / das in mitten des Platz war / vnd verbirgt sich sambt dem wagen darin / Nichts desto weniger zogen die obangeregten Hackhenschüßen dem wagen zue / in dem steigt der Hackhenschüß fein auff den Wagen / sieht omb sich ob er niemandt sech / das wur der Gegētheil auch gewar / vnd ersehen den auff dem wagen / fallen geschwind nider auff die erdē / ziehen die Hackē hernach / vñ kriechen also auff der erden strackhs dem waldl oder wagē zue / entlich kumen sy gar an den hag / sten auff mit

## Vom Scharmisl.

grossen geschrey / sahen den Bauren vnd nötigen den Hackenschützen / auch nemmen sie die Rosz vnd kerten den wagen vmb vnd lendeten sy nach der Fürst: Durch: Erzhergogen Ferdinanden x. Leger zue / das hetten auch bald etliche Knecht in des Erzhergogen Carlen Leger ersehen / kumen etliche eplendt dem Bauren vnd Hackenschützen zuhelffen / so fallen auch aus dem andern Leger etliche in dise andere Knecht / vnd habē also ein gross Schiessen vnd geschrey gehabt / auff das khamen zusammen beider Parthey Trummelschlager / die schlugen lermen vnd vil Knecht die machten ein gross geschrey / dauon nicht genugsam zuschreiben / in dem zankhen / zarren vnd reissen / entlaufft dem Bauern ein Rosz / da hueb sich ein newer Lermen an / aus obgesagter / Fürst: Durch: Erzhergog Ferdinanden Theil oder Parthey / kerten etlich den wagen wideromb nach irem Leger / zwingen den Bauren / schmirten In vnd die Rosz tapfer ab / vnd sprachen im zu Er soll kurzumb mit jnen faren / der pauer aber klagt sein weckblaufendt Rosz vnd sprach / was hab Ich mein lebenlang euch laidto gethan / was zeibt ir mich armen Man x. mit Nleglichen anderen worten mehr / nichts destoweniger muest er fort / vnter vnd zwischē disen gezänck hat der Scharmisl zu beider seits Hackenschützen gewerd / vnd sein disen Hackenschütze aus Erzhergog Ferdinanden Leger dreyszig Pherdt zuhilff kumen / sambt drey Falkhetlein mit den sie vnder die Gegentheil geschossen wider dise sein andere Dreyssig aus Erzhergogen Carlen Leger gestossen vnd die dreyszig ersten Pherdt sambt den Hackenschützen wider in jr Leger geiagt / vnd also sein die schützen vñ Pherdt desselben mals von einander kumen.

Gleich darauff haben beider Partheyen Trumetter anfahē lermē zublase / den Fueszknechte beystant zuthun / vñ also der Scharmisl zu Rosz angefangē / vñ erstlichen vō jeder Parthey funff Reiter herfur aneinander mit spiessē gewischt / dan von Leder gezogen vñ auff einander gehawē / nach allem vortheil / vñ geschwind haben sie sich gewend ein jeder thail nach seinē Leger / vñ vō jeder Parthey wider andere funf herfuzogen / das ist zum viertē mal geschehē

Nach

# Vom Scharmitzl. LI

Nach dem sein von einer jeden Parthey zehen Reiter herfür zogen in gleichemfal miteinander gescharmizelt, das auch zum vierten mal geschehen, zum dritten vnd letzten mal, sein widerumb von jeder Parthey auff den Platz khumen zweingzig Reiter die auch gegeneinander gerendt vnd Gescharmizelt wunder Ernstlich vnd Tapfer getroffen, da hat dann ein theil dem andern etlich khnecht abgefangen sie weckh gesuert das ist zu zwaymalen geschehen, so offte auch die Reiter von beder Partheyen, in Scharmizl zusammen gerittē vñ getroffen, hat man etlich Stuckh Geschüs lassen abgeen, vnd zu legt in der Solia haben sy auff ain mal dreyssig miteinander getroffen, die so geweltig auffeinander gerendt das zwayer Ross im Puncto auff dem Platz thod bliben, das ain ist zuegestanden dem Wolgebornen Herrn, Gabrielen Maylart ain Vngerischer Herz Kd: Ray: May: ic. diener, das ander Georgen Niederlender von Veicht Rhü: W: zu Behaim ic. Hartschier Surier, jedoch geschach den darauff sitzenden Personen nichts, dan die Lackheyen waren geschwind da, hieben sy von den Rossen, vnd brachten sy also one schaden weckh vnd wan ainer sein Spies nit gleich zum ersten gebrochen, hat er sich von stundan gewendt vnd wider gebraucht bis der Spies prochen, vñnd dann von dem Spiessen zu der Handwehr griffen, im umbkhern Tapffer aneinander abkherdt, vnd zu den Rhöpfen geschlagen, auff den Rucken binden vñnd vorn, wie sie aneinander treffen khünnen, hat alles gleich goltten, doch hat man der Ross verschonndt vñnd kheins getroffen worden, in Summa aneinander seer wol abgericht vnd mit Schallender Trummetten vnd Herbauckhen sambt iren Feldgeschrey angriffen, in dem aber, als die Reiter also gescharmizelt vnd aneinander guet ding abkherdt, haben die Sueszknecht auch nicht gefeyert, sonder zu beder thailen für vnd für miteinander gescharmizelt, vnd je ein Parthey der andern vil khnecht abgefangen, vñnd dann einen gefangen, den andern wider gelassen, es waren auch zwen die hetten ire Angesichter mit dem Puluer gang semerlich einer dem andern verderbt, die bey den Grossen Stuckhen stunden, wann ein theil sahe das ime  
etwas

## Vom Scharmitzl.

etwas zuuil werden wolt/ vnd abbruch nemen/ schossen sie vnder die Rnecht vnd Reiter das alles so ein graussam getumel/ brassen vnd Rumor war / als hielt man ein freye Feldschlacht von etlich Tausent Personen/ dann sy liessen etwan auff Fürst: Durch: Erzherzog Carlen 2c. Parthey allain / wol fünf oder sechs Grosse Stuckh zumal abgan/ also wer es nit gewist/ wie der handt geschaffen / Nemlich das Feind vnd nicht Feindt waren/ hette hundertmal anderst nit mögen schiessen noch gedencchen / dann es war ein schlacht von Feinden wider Feindt / vnd vnder dem letzten treffen hat man alles Geschütz von beden Partheyen abgehn lassen/ welchs alles warlich wunder schön zusehen vnd zuhören gewest/ vnd so lang der Scharmitzl gewert/ ist die Rū: W: fur vnd fur im Leger auff dem Platz vmbgerendt/ ordnung geben wo mangl oder vnordnung an den Reitern vnd Fuesknechten erschienen/ denselben gebessert.

Damit du aber Gunstiger lieber Leser bericht haben khanst/ wie die Partheyen die Ich vor benendt hab getheilt sein worden/ vnd in gueter Ordnung Gescharmitzl / auch von dannen in die Stat gezogen / wirst du hernach vernemen. Nemlichen sein das hochgedachte Fürsten vn. Herrn Erzherzog Carln zu Osterreich 2c. hundert Pherdt oder Kaisige getheilt worden in fünf theil oder Schwader / vnd in jedes zwainzig Person / deren Rittmaister vnd Reiter Namen vnd Zuenamen hernach volgen.

Erstlichen von den Hundert Pherdtn oder Herrn Kaisiger/ so bey hochgemelter Fürst: Durch: Erzherzog Carlen zu Osterreich 2c. waren/ behielte jr Fürst: Durch: bey jr zwainzig Pherdt/ deren jr Fürst: Durch: Leütenambt gewesen der Wolgeborn Herr Georg Freyherr von Tanhausen / von welchen fünf Rittmaistern vnd Reitern die Namen vnd Zuenamen hernach volgen

Erstlich die obgedacht Fürst: Durch: Erzherzog Carl 2c. Gemelter Georg Freyherr von Tanhausen / als jr Fürst: Durch: 2c. Leütenambt.

Die wolgebornen Herrn Wolckhart von Quersperg Rō: Ray. May: 2c. Stablmaister vnd Furschneider.

Cristoff



## Vom Scharmigl LII

Cristoff von Rappach.  
Caspar von Bannowis.  
Wilhelm von Hoffkirchen.  
Georg Ernreich von Rogendorff.  
Wolff von Liechtenstein.  
Caspar Melchior Römer.  
Gabriel Strein.  
Wolfart Strein.  
Georg Braun.  
Georg Graff zu Nagerol.  
Hans Zuley.  
Adam von Neydeckh.  
Frans Lewenhuller.  
Peter Rheglwig.  
Herz Brzineckh Brusinowsky von Viskhova.  
Peter von Eyskirchen.  
Felix Sattlperger/bede Ró: Kay: May: ic. Hartschier.

**D**er ander Rittmeister ist gewesen der Wolgeborn Herz/  
Herz Ludwig Graff zu Leonstain/Herz zu Scharpfeneckh / Ró:  
Kay: May: ic. Hoffrath President vnd volgen seiner Genaden  
zweinsig Personen Namen hernach.

Erselich Mergemelter Herz Graff zu Leonstain.

Die Wolgebornen vnd Gestrengen Herrn/Wilhelm Gras  
wein zum Weier Ritter.

Bangras von Windischgras / Freyherz zu Waldenstain  
vnd im Thall.

Andre von Rhaendorff.

Ocho von Katmandorff / zu Stumberg.

Ferdinand Kindtscheidt zu Fridtberg.

Phillip Freyner / Freyherz zu Stubing / Gladnig vnd Ra-  
benstain ic.

Sebastian von Windischgras / Freyherz zu Waldenstain  
vnd im Thall.

**R**

Cristoff

# Vom Scharmitzl.

Christoff Kemprecht Welger zu Spiegelfeld.  
Joachim von Trautmansdorff zu Trauttemberg.  
Kemprecht Kleiniger zu Leystetten.  
Bernhard Stadler zu Stadl.  
Erasm Stadler zu Khrottendorff.  
Michael Kindemaul zu Frawham.  
Serwats von Teuffenbach zu Mayrhofen.  
Lenhard Steiger.  
Wilhelm Hefender von Bischoffhaim.  
Wagl Bog.  
Sigmund Meylinger.

Christoff Alnhorn, dise vier sein der Rd: Kay May: ic.  
Hartschier.

**D**er dritte Rittmeister, war der Wolgeborn Herr, Herr  
Herr Bernhardt Graff zu Hardeckh, Glas ond im Nachlandt,  
Erbshenckh in Osterreich, ond Trugsasz in Steyer, deren zwein-  
zig Person Namen hernach volgen.

Erslich Kerberuerter Graff zu Hardeckh.  
Sigmund Keigeshy.  
Laskho von Meseritsch.  
Hans Spannosky von Litschaw.  
Ulrich Minschan, Herr von Khlindstain.  
Sigmund von Buechaim, Freyherr zu Kabs ond Khrum-  
pach, Erbtrugsasz in Osterreich vnder der Eno.  
Sigmund Karichl.  
Wolff Freyherr von Eyking.  
Wensl Künsky.  
Zingendorff.  
Georg Waleghy.  
Marquart Keigeshy.  
David Keibig.  
Ernst Danckh.  
Wagitsch.  
Hans Scheller.

Hans

## Vom Scharmitzl. LIII

Hans Stibig.

Walthaser Sauer.

Walthauer Rhalchreütter / dise vier sein der Rô: Ray:  
May: 12. Hartschier vnd R.

**D**er viert Rittmaister war der wolgeborn Herr: Herr Caspar  
Freyherr zu Vels. / Herr zu Schenckhenberg Rô: Ray: May: 12.  
Hoffrath vnd Hartschier Haubtman volgen seiner zweingig Rait-  
sigen Namen hernach.

Nemlichen obgemelter Herr Caspar Freyherr von Fels.

Ernest Graff von Drttenberg 12.

Caspar Freiner Freyherr zu Stubing. Gladnig vnd Raben-  
stain 12:

Friderich Freyherr zu Agrest 12.

Zeytlig.

Wolff von Puechaim zu Gellerodorff.

Anthoni Jacob von Thunn.

Hans Friderich von Landeckh.

Hans Heinrich Schenckh.

Hans von Welsperg.

von Herberstain.

Ferdinand Starckh.

Friderich Wildenstain.

Bernhard Rheyder.

Ambrosy Staff / dise vier sein der Rô: Ray: May: 12.  
Hartschier.

**D**er fünffte vñ legt Rittmaister ist gewesen der gestreng Herr  
Hans Kueber zu Buchsendorff vñnd Sunberg Ritter / welcher  
B ij auch

## Vom Scharmitz.

auch zweinsig Pferd vnder ime Hette, deren Namen vnd Zue-  
namen hernach volgen.

Nemlich obgemelter Herr Hans Kueber Ritter.

Oth Hainrich von Puechaim, / Herr zu Haydenreichstain/  
Erbtuglász in Osterreich vnder der Ens ic.

Jacob Zäch Fürst: Durch: Erzhertzog Carlen ic. Camrer.

Christoff von Mostig / Ró: Kay: May: ic. Truglász.

Jörg von Collaus genant Wasler / irer F: S: ic. Camrer.

Jörg Khranschal.

Kagendorffer.

Gabriel Mailart ein Vngerischer Herr.

Leopold Kuesch.

Kainacher.

Dogy.

Rhlee.

Karacksche.

Gabriel von Collnis zu Bruckhschleins.

Erasm Braun.

Terggwin.

Georg Brand.

Michael Schrammelle.

Alchatus von Holzhausen vnd. N.

**D**Er ander theil oder hundert Pferd so vnder Fürst Durch:  
Erzhertzog Ferdinanden gewesen sein auch in funff Theil oder  
Schwader getheilt worden, Nemlich in jedes zweinsig Person  
oder Kaisigen / deren Leütenambt war, der Wolgeborn Herr  
Andre Teuffl irer Fürst: Durch: ic. Rath vnd Obrister Stabl-  
maister / welcher auch vnter ime het zwainsig Pferd oder Kai-  
sigen, deren Namen hernach volgen.

Zulius de Riua irer Fürst: Durch: ic. Camrer.

Fryderich Freyherr von Castello, Barcho vnd Agrest Fürst:

Durch: ic. Mundschensch.

Fryderich Ludwig von Malowis irer Fürst: Durch: ic.

Stablmaister.

Hainrich

# Vom Echarmitzl. LIII

Hainrich Stainpach von Stainpach irer Fürst: Durch: 2c.  
Fürschneyder.

Georg Zablansthy von Zablaw irer Fürst: D: 2c. Trugsäß.

Wilhalm Kirsthowsthy von Stropschig irer Fürst: D: 2c.  
Trugsäß.

Hercules von Riua irer Fürst: Durch: 2c. Hofgesindt.

Martin Mäminger irer Fürst: Durch: 2c. Ruchlmaister.

Christoff Rabenhaut irer Fürst: Durch: 2c. Trugsäß.

Friderich von Rittlis Fürst: Durch: 2c. Mundtschenckh.

Wenngl Kulisttha Fürst: Durch: 2c. Trugsäß.

Graff Hainrich von Guttentain.

Hans Kensperger.

Christoff Breisz irer Fürst: durch: 2c. Hofgesindt.

Peter Warcho irer

Zheronimus Ketsch irer Fürst: Durch: 2c. Hofgesindt.

**B** Carl von Buchtau irer

Der den andern Theil der zweingig Pferdt sein Rittmaister gewesen die Durchleütigen Hochgebornen Fürsten vnd Herrn Herr Herzog Heinrich der Elter vñ Junger gebrueder des heylig Römische Reichs Burggraue zu Meissen Graffe zu Hartenstein Herrn zu Blauē vñ Heraw 2c. vñ der Wolgeborn Herr Maximilian Freyherr zu Bolhaim vñ Wartemberg Kü: W: zu Behaim 2c. Hartschier Hauptman vnd hetten die Fürsten von Blauen zehen Pferd vñ dter jnen welcher Herrn Kailingē Namē hernach volge Nemlichen bede Fürsten von Blauen.

Georg Graff vñ Freyherr vom Thurn vñ zu Ehrenz ire Fürst: Durch: 2c. Camver.

Zoilla Borin irer Fürst: Durch: 2c. Fürschneider.

Joan von Sternberg irer Fürst: Durch: 2c. Trugsäß.

Hans Albrecht Herr von Eylemburg irer F: D: Hofgesindt

Nielas von Miltiz.

Caspar von Panowis zu Mecharwis irer F: D: 2c. Trugsäß.

Peter Wieschin irer Fürst: Durch: 2c. Hofgesindt.

Dietrich von Deckawis irer Fürst Durch: 2c. Trugsäß.

Ferdinand von Luxsam.

B iij Wol

## Vom Scharmitz.

**W**olgemelter Herz von Bolhaim hette auch zehen Pferdt,  
deren Kaitziger Namen hernach volgen.

Nemlich obgesetzter Herz von Bolhaim.

Der Wolgeborn Herz / Erasm von Buechaim / Freyherz  
zu Rabs vnd Rhrumbach ic.

Herz Wolff von Stubenberg.

Erasm Stadler zu Krotendorff.

Hans Caspar Breiner Kü: W: zu Behaim ic. Hartschier.

Augustin Bubel Kü: W: zu Behaim ic. Hartschier.

Hans Schmette Kü: W: ic. Hartschier.

Hans Stuber Kü: W: zu Behaim ic. Hartschier.

Zosua Eybestaller Kü: W: ic. Hartschier.

Christoff Kapisch Kü: W: ic. Hartschier.

**D**er drit Rittmaister war / des Durchleuchtigisten Für-  
sten vnd Herrn Herrn Maximiliani / Königs zu Behaim ic.  
Camrer / genandt der Wolgeborn Herz Vratislaw / Herz von  
Bernstain auff Dobischaw / vnd Ordens Brueder des Gulden  
Flues / volgen hernach die Namen der zweingig Personen / vber  
welche sein Genade Rittmaister gewesen.

Nemlich wolgemelter Herz von Bernstain.

Graff Julius zu Salm.

Claudi Trivouly Graff zu Nels.

Peter Vogt Herz zu Rosenberg.

Herz Lassa Wopel zu Lobkowitz / Kd: Kay: Mt: ic. Camrer

Christoph Carl Freyherz von Zelting.

Jacob Rhuen / Kd: Key: May: ic. Fürschneider.

Don Joan Alfonso Gastaldo.

Paul Backhisch / de Lachy.

Gunter von Binaw.

Joan Herz von Warrtemberg.

Ferdinandt Kueber zu Büchsendorff ic.

Georg Seyfrid von Rholnitsch zu Bruckhschleinitz.

Vogtschaw

# Vom Scharmizl LV

Bogschlaw Drachonowsky.

Hans Neygitsch der Elter von Landeckh.

Frenhardt Neygitsch der Jung von Landeckh.

Hans Rapaum von Schwoykhoco.

Jdenkbo Hodisky von Hodis.

Hans Hostenstainer von Hollenstein.

**D** Hans Fürstenstainer.

Er diert Rittmeister war der wolgeborn Herr Georg Proszkowsky von Proszkhow Comenthur zu Grebnick / des Durchleuchtigsten Hochgebornen Fürsten vnd Herrn Herrn Maximilian Rhünias zu Behaim ꝛ. Camrer vnd folgten seiner Genaden zweinsig Person Namen hernach.

Graff Ernst von Ortenburg / Freyherr zu Freystain vndnd Rharlsbach / Herr zu Hericourt Lile ꝛ.

Graff Sigmund von Hardeckh ꝛ.

Andre von Buechaim / Herr zu Haydenreichstain / Erbtugsfäs; in Osterreich vnder der Enns.

Kuedolff Rhuen von Welaschin.

Seyfridt Breiner Freyherr zu Stubingen / Stadnig vndnd Rabenstein K.ö. Kay: May: ꝛ. Fürschneider.

Bernhard Welser zu Spieglsfeld.

Baul von Zelting.

Albrecht Bes Werchlenzky genandt.

Joan Rhynsky K.ö. Kay: May: ꝛ. Trugsfäs.

Hans Gilles K.ö. Kay: May: ꝛ. diener.

Hans Proszkowsky.

Maximilian von Rhnobeldorff.

Wolfgang Zörger zu Tollet vndnd Rhreuspach K.ü. W: zu Behaim ꝛ. Hoffgesundt.

Christoff von Schwamberg.

Peter Wischin.

Peter Kouffel des Herzogen von Arschot Edlman.

Daniel Recklinger von Augspurg.

**D** Christoff zwickhl vnd Helias Haydenreich.

Er fünfft vñ legt Rittmeister welcher auch vnder ime hette  
zweinsig

# Vom Scharmitzl.

zweinsig Pfferdt ist gewesen Herr Hans Geraldowfsky von Berstorff Kü: W: zu Behaim ꝛ. Trugsäß/ vnd jeso Jr Fürschneider/ volgen seiner zweinsig Person Namen hernach.

Herr Wolff Graff von Eberstain ꝛ.

Herr Joan Hauwis Kü: W: ꝛ. Fürschneider.

Herr Wolff Wallasch Kü: W: ꝛ. Trugsäß.

Herr Jacob Kaminger.

Wolff Georg Gules Kü: W: ꝛ. Hoffgesindt.

Wolff Kumpf zu Buelros.

Herr Heinrich Schleinig Kü: W: ꝛ. Trugsäß.

Fryderich von Sigendorff.

Joan Schmigansky der Junger.

Herr Adam Hochenwartter, Kü: W: ꝛ. Fürschneider.

Herr Allerius Turschy von Betlenstorff, Graff in Bypsz/ Freyherr auff Boenis Kü: W: ꝛ. diener.

Hans Wilhalm von Prasperg.

Wenzl Sonneck zu Wangeleinitz.

Herr Anthoni zu Blandeckh.

Conrad von Bapenhaim des heyligen Römischē Reichs ꝛ. Erbmarshalch.

Raphael Leschnofsky.

Georg Nidelender von Veicht Kü: W: zu Behaim ꝛ.

Härtsehier Furier.

Hans Wilhalm Linckh.

Hans Berger bede Kü: W: ꝛ. Härtsehier.

Nach vollendung dieses alles ist ein jede Parthey in nach uolgender Ordnung / wider in die Stat gezogen / Erslich die Fürst: Durch: Ershergog Carl zu Osterreich / welcher geriten auff einem schönen Wolausgebugten Hengst / fuert in seiner Handt ein Gemalden Stab / in einem trefflich kñstlichen schönen gangen geeyten vnd vergulgen Rühris / daruber hat jr Fürst: Durch: ꝛ. ein weisse Atlaffen Schurg / darauff warē gemaldt oder geleimbt Rodte Burgundische Chreuz vnd Flammen von Carmasin Atlas / vnd auff jr Fürst: Durch: ꝛ. Helmlin steckhten vber die maß schöne



## Vom Scharmigl LVI

schöne grosse herrliche Federbuschen von gesagter Farb, wiewol sy tapfer an dem Scharmigl zerhaut worden, die Rosdeckh oder Caperancon war weis Atlassen mit vil Rodten Ehreuzen vnd Flammen zuegericht wie das Schurglein vnd vor irer Fürst: Durch: 2c. Riten zwölff Trummetter vnd ein Herbauckher, alle geklaidt in Rodt vnd weisz Farben. Nemlich in Rodt Arrassen Rodcklein mit weissen Ermeln, ire Fanen an den Trummetten waren von Rodtem vñ weissem Taffat. Solichē folgten nach acht Lackheyen vnd vierundzwainsig Trabanden, angethan von Suesz auff mit weisz vnd Rodten Farben, vñnd zwischen den Trabanten Rit die obgemelt Fürst: Durch: 2c. als ein Hauptman dieser Parthey, deren Rite nach ein Edler Rhnab der suert ein klein Rodt vnd weisz viereckhet Rhennfendlein von Taffat gemacht, auch Riten neben ir Fürst: Durch: 2c. aber doch etwas bas zu ruckh zwen Herrn die auff ir Fürst: Durch: 2c. wartteten, Nemlich die Wolgeborne Herrn, Herr Caspar Freyherz zu Herbenstain vnd Herr Jacob von Atmiz, irer Fürst: D: 2c. Obrister Camrer vnd Stalmaiter, geklaidt mit Rodcken vnd Suet in gangen schwarzen Samat, vñ nach innen khamen geriten hundert Reiter, je drey vnd drey in einem Glid, auch in Rodt vñnd weis geklaidt, doch von manicherlay gattung vnd art 2c. ire Ros mit schönen decken vñnd grossen herrlichen Federbuschen vor vñnd hinten geziert vnd geschmuckht.

Nach offtzetzelter Fürst: Durch: Erzhersg Carl 2c. Rite die Rū: W: zu Behaim 2c. mit iren Hofgesind vñ andern Herrn so vngewärllich auff gewart haben widerumb haim in die Kayserliche Durchh.

Von stundan darnach Riten zwölff Trummetter sambt einem Herbauckher, geklaidt in plaw vnd weisse Taffatene Rodcklein, des gleichen ire Fanen an den Trummetten von disen Farben. Nach inen giengen vierundzwainsig Trabanten vnd acht Lackheyen, alle angethan von disen zweyē Farben, als weis vnd plaw, vñ zwischen inen Rite der Durchleuchtig Hochgebom Fürst vñ Herr, Herr Ferdinand Erzhersgog zu Osterreich 2c. als ein Hauptman,  
D. ober

## Vom Scharmitzl.

ober die hundert Kaisiger / auff einem schönen fraydigen Pferdt / geziert vnd auffgebust auffs aller köstlich vnd Herlichst / in einem schönen geegten vnd vergulden Rhüris / daruber einen Schurz von weiß vnd blauem atlas / gewegglet jneinander getheilt vnd auff jr Fürst: Durch: 12. Helmeln streckhten ober die maß schöne grosse Herliche Federbüschen von obgemelten Farben / wiewol sy auch in dem Scharmitzln Tapffer zerhaut sein worden / die Rosdeckh war desgleichen von atlas / durcheinander getheilt / als abbemelter Schurz vnd hinter jr Fürst: Durch: 12. Rite ein Edler Rhnab der fuert ein khlain plaw vnd weiß vieregget Rhensendlein vnd nach jrer Fürst: Durch: 12. Riten hundert Reiter / drey vnd drey in einem Blid in gueter Ordnung / alle auff ain weiß oder manier gekhlaidi / Nemlich in plaw vnd weiß Farben / doch von manichere lay gatung vnd art 12. auch sy vnd jre Ros mit schönen Deckhen vnd Federbüschen von disen Farben wol ausgestrichen vnd geschmuckht / von stundan darnach ist die Rô: Kay: May: 12. sambt der Hochgebornen Fürstin vnd Frawen / Fraw Maria Rhünigin zu Behaim 12. dem Hochgebornen Fürsten vnd Herrn / Herzogen Albrechten zu Bayrn 12. Kayserlichen Töchtern vnd Enickhlen / auch Botschafften vnd Frawenzimer zu Ros vnd wagen wie sy hinaus wider haim gezogen.

Wie nu bede Bartheyen in gueter Ordnung herein in die Kayserlich Burckh auff den Platz gezogen vnd sich nebeneinander in die Ordnung / bisz die Kay: May: vnd das Frawenzimer füruber kamen / haben bede Obriste Feldthaubtleut / Fürst: Durch: Erzherzog Ferdinand vnd Erzherzog Carl zu Osterreich 12. aneinander zuegesprochen / noch ain treffen oder Ritt zuthuen / welchs auch gleich vnd von stundan geschehen ist / vnd bede Hochgemelte Fürsten im gegenwürtigkheit der Kay: May: 12. vnd aller anderer Fürsten vnd Herrn sambt den Frawenzimer gegeneinander gerendt / auch ein jeder seinen Spieß dapherlich zerprochen / vnd als dann nach volendung disses alles / ist ain jeder mit den seinigen ab vnd in das Losament gezogen.

Darnach sein von stundan zum Burckh Thor hernach kumen

## Vom Scharmitzl. LVII

men die vorgemelten Hundert Hackenschützen welche vnder der merberuerten Fürst: Durch: Erzhertzog Carl zu Osterreich zugelegen waren laudter Burgunder vnd Welische / trefflich wol gestaffiert vnd gekhlaidt in weis vñ Rodt Farben mit Trümel vñ Pfeiffen sambt iren auffgereehten Fendlein / mit Osterreichischer Farb je drey vnd drey in einem Blid / deren Hauptman war der Zheronimus Tabarello ein Triendtischer Herr / vnd jr Fendrich war der Andre Fecho genandt von Compar Sebelingone / gekhlaidt in Rodt vnd weissen Samat / die Hosi vnd Wamas mit Rodten vnd weissen Atlasz vnderzogen / auch ober den Leib ein schöne Taffatene Binden / auff dem Haupt ein schön Samaten Baredt mit Federn von gleichen farben.

Baldt darnach sein hernach geuolgt / die andern Hundert Hackenschützen die vnder der Fürst: Durch: Erzhertzog Ferdinanden zc. waren mit Trümel vnd Pfeiffen / auch mit auffgereehten Fendlein das war plaw vnd weiß Taffaten / Wegglet oder Rauten weiß zusammen gemacht / deren Hauptman war der wolgeborn Herr Marco Anthonio Spinola Graff zu Tarzerolla zc. Kü: W: zu Behaim zc. Trabanten Hauptman vnd sein Leütenambt war der Gestreng vnd Edl Herr Hauptman Margo Ritter jr Fendrich war der Edl vnd velt Joseph von Taxis welche gekhlaidt waren in Plaw vnd weissen Samat / ire Hosi wamas mit weiß vnd Blauen Atlasz ausgezogen / auff dem Haupt het jeder ein schön Samaten Baredt mit plaw vnd weissen Federn.

**I**m Legten sein herein gezogen / die siben Fendlein Landtsknecht von der Burgerschaft mit iren auffgereehten Fendlein in Trefflich gueter Ordnung vnd das Geschütz so dausn gewesen alles mit jnen wider hinein gesuert vnd alsdann ein jeder in sein herberg oder wonung gangen.

LVII

Faint, illegible text, likely bleed-through from the reverse side of the page.

Second block of faint, illegible text, also likely bleed-through from the reverse side.